

**SAMOA**

Faatulagaina o Aiaiga

1. Igoa puupuu ma le amataga
2. Nofoa o le tofi o sui usufono

---

**2010, Nu. 4****O SE TULAFONO e teuteu ai le Faavae. [26 Fepuari 2010]**

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga-**(1) E mafai ona taua lenei Tulafono o le Tulafono o Teuteuga o le Faavae 2010, ma e tatau ona faitauina faatasi ma avea ma vaega o le Faavae.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo.

**2. Nofoa o le tofi o sui usufono** - Ua teuteuina le Mataupu 46 o le Faavae i le faaofiina i ai i le faaiuga o aiaiga e faapea:

“(3) E ui lava i le Mataupu 13 ma le 15, e mafai e se Tulafono ona aiaia e faapea ua avanoa le nofoa o se Sui Usufono o le Palemene a o faagasolo lona vaitaimi o le tofi:

(a) pe afai i nisi tulaga e aliae mai o le Sui Usufono -

- (i) ua faamavae po o ua faai ese mai po o ua suia lana vaega faaupufai;
  - (ii) ua auai atu i se vaega faaupufai pe afai e le o ia o se sui auai o le vaega faaupufai;
- (b) pe afai o le Sui Usufono ua avea o ia o se sui auai po o se sui o -
- (i) se vaega po o se faalapotopotoga e i ai ni ona faamoemoega faaupufai ma ua faamoemoe e auai i se faiga palota pe afai o lea vaega po o le faalapotopotoga e le i faamauina e avea o se vaega faaupufai i lalo o se Tulafono; po o
  - (ii) se vaega faaupufai e ese mai i le vaega faaupufai lea sa avea ai o ia ma sui auai.”.

---

**O le Tulafono o Teuteuga o le Faavae 2010  
o lo o faafoeina e le Matagaluega a le Palemia.**

**Lolomiina e le Failautusi o le Fono Aoa Fautulafono,  
i le pule a le Fono Aoa Fautulafono.**